

AUGLÝSING

um skipulagsmál í Fjarðabyggð.

Deiliskipulag Ljósár 1, Eskifirði.

Bæjarstjórn Fjarðabyggðar samþykkti á fundi sínum 21. mars 2013 deiliskipulag Ljósár 1 á Eskifirði.

Deiliskipulagssvæðið tekur til fjögurra lóða neðan Strandgötu, lóðirnar eru Strandgata 70a, 70b, 70c og 72. Ljósá rennur milli Strandgötu 70c og Strandgötu 72. Fjöruborð Eskifjarðar er neðan skipulagssvæðisins.

Deiliskipulag iðnaðarsvæðis á Kollaleiru, Reyðarfirði.

Bæjarstjórn Fjarðabyggðar samþykkti á fundi sínum 21. mars 2013 að breyta deiliskipulagi iðnaðarsvæðis á Kollaleiru á Reyðarfirði.

Breytingar á deiliskipulaginu fólust í að skipulagssvæðið stækkar, Tjarnarvogur fellur út ásamt lóðum, nýjar lóðir eru búnar til þar sem svæðið stækkar, nokkrar lóðir eru felldar út, aðrar lóðir stækka og enn aðrar minnka.

Deiliskipulag vöruflutningahafnar á Reyðarfirði.

Bæjarstjórn Fjarðabyggðar samþykkti á fundi sínum 21. mars 2013 að breyta deiliskipulagi vöruflutningahafnar á Reyðarfirði.

Breytingar felast í að skipulagssvæðið minnkar en deiliskipulag iðnaðarsvæðisins á Kollaleiru stækkar að sama skapi. Bætt er við einni lóð, Ægisgötu 70 fyrir hafnarvog.

Deiliskipulag Bakkagerðis 1, Reyðarfirði.

Bæjarstjórn Fjarðabyggðar samþykkti á fundi sínum 21. mars 2013 að breyta deiliskipulagi Bakkagerðis 1 á Reyðarfirði.

Breytingar felast í að raðhúsa- og parhúsalóðum við Brekkugerði er breytt í einbýlishúsalóðir, lóð fyrir spennistöð við Brekkugerði 15 er breytt í einbýlishúsalóð ásamt breytingum á lóðamörkum, nokkrum lóðum þar sem gert var ráð fyrir einnar hæðar húsum er breytt þannig að gert er ráð fyrir tveggja hæða húsum.

Deiliskipulag Mels 1, Reyðarfirði.

Bæjarstjórn Fjarðabyggðar samþykkti á fundi sínum 21. mars 2013 að breyta deiliskipulagi Mels 1 á Reyðarfirði.

Breytingar á deiliskipulaginu fólust í að íbúðafjöldi eykst þannig að á svæðinu verða 10 einbýlishús, 20 íbúðir í 10 parhúsum og 57 íbúðir í 15 raðhúsum.

Deiliskipulag fiskihafnar austan Búðarár, Reyðarfirði.

Bæjarstjórn Fjarðabyggðar samþykkti á fundi sínum 21. mars 2013 að breyta deiliskipulagi fiskihafnar austan Búðarár á Reyðarfirði.

Deiliskipulagssvæðið er austan Búðarár og austur fyrir Austurveg 24 þar sem nýrri hjáleið í gegnum þéttbýlið er komið fyrir. Nýjum lóðum, Óseyri 3, 5 og 7 er bætt við og lóðir undir fráveitu, dælingu/hreinsun eru felldar út.

Deiliskipulag Símonartúns, Eskifirði.

Bæjarstjórn Fjarðabyggðar samþykkti á fundi sínum 21. mars 2013 deiliskipulag Símonartúns utan Eskifjarðar.

Deiliskipulagssvæðið felur meðal annars í sér að gerðar eru 11 lóðir við Símonartún undir hesthus eða annað húsdýrahald. Ein lóð er fyrir félagsheimili og reiðskemmu en á svæðinu er einnig gert ráð fyrir sameiginlegri aðstöðu fyrir skeiðvöll, tamningagerði, hólf, tamningahring o.fl.

Nr. 588

6. júní 2013

Deiliskipulagstillögurnar voru auglýstar samkvæmt 41. gr. skipulagslaga nr. 123/2010 og hafa hlotið þá meðferð sem skipulagslög gera ráð fyrir.

Auglysingin öðlast þegar gildi.

Fjarðabyggð, 6. júní 2013.

Páll Bj. Guðmundsson bæjarstjóri.

B-deild – Útgáfud.: 27. júní 2013